


中本起經卷下

二百八十一  
容十

49573



元祿九年丙子二月日重脩

皇圖瓊閣 帝階綴昌

佛日增輝 懋輪常轉

山城州天安寺法金剛院置





中本起經卷下

容十

後漢三藏法師西域曇果共康孟詳譯

須達品第七



佛從本國與大比丘僧千二百五十人俱遊  
於王舍國竹園中長者迦蘭陀承佛降尊馳  
詣竹園五心禮足逡巡恭住整心白佛唯願  
世尊願下薄食佛法默然已為許可長者欣  
悅接足而退還家具膳莊嚴幢幡親自執事  
拯世之味舍衛長者名曰須達晉言善溫與  
主人迦蘭陀雖未相見每信相聞行同德齊  
遙揖為友須達因事來至此國推親往造時  
迦蘭陀親自供膳不容得出踟躕殊久呼使

而曰吾故遠至以展不面虛心在昔遍教所  
懷不謂今日見薄不偶事訖乃出相揖而坐  
不面在昔屈辱臨顧傾企之情有兼來趣明  
請大賓執事自逼不暇得出是使乃心滯而  
不叙善溫問曰何謂大賓為是婚姻國節會  
耶答曰同志知不聞乎白滄王子入山六年

答十

道成号佛威相明遠神通属幽方身丈六華  
色紫金明曜於世吐法陳戒精義入神所從  
弟子名比丘僧居靜身正修德履道忽榮棄  
利義曰真人凡有一千二百五十人俱善溫  
聞稱佛聲舉身毛豎心喜交胷逸豫待明互  
情内騷轉側不寐至誠感通中夜霍明即便



巖出方向城門。願見城左有神祠。舍名白濕。波過往。跪拜禮畢。旋願奄便。更冥善溫。惶怖不知所趣。雖有此變心。猶存佛恐。畏消除空中聲。曰善哉。須達心至。乃尔。即問空聲為是。何神便告之。曰吾是子親摩因提也。問曰。卿生何許。奚為此間。即而答曰。吾昔從佛神足。弟子大目犍連。聞說經法。因此福報。得生天上。功德薄少。別使典此。見卿至心來。相佐助佛者。至尊舉足中間。福祐難量。恨吾生存。不獲覩佛。如今所見。明驗真諦。天放身光照於竹園。善溫尋光。遙見如來。踰於所聞。前拜却住。微心視相。而問於佛神尊。寧安佛為。須達

而作頌曰

無憂無喜相 心虛清淨安 已昇無所生

見諦入泥洹 覺正念清明 已度五道淵

恩愛網斷壞 永寂悅彼安

長者須達聞說是時因本功德便發淨意逮

得法眼歸命三尊次受五戒為清信士前白

容十

佛言唯願如來臨躬舍衛教授一時濟度群

民世尊又曰知姓字何長跪對曰鄙字須達

侍養孤老供給衣食國人稱我給孤獨氏佛

告之曰彼有精舍容吾衆不對曰未有長者

須達承佛聖旨進前長跪而白世尊余能堪

任興立精舍唯須比丘監臨處當願勅舍利



弗汝行營佐即受教命作禮而退還彼舍衛  
周行求地唯祇園好衆菓流泉竒鳥翔集地  
夷木茂去城又近因往守請祇了無賣意求  
之不止恚而言白若能以金錢集布滿園尔  
乃出耳重問審實尔不祇謂價高子必不及  
戲言決矣復何疑哉須達辭還載輦送錢園  
監不聽走幼大夫須達送錢不審內不報勅  
園監吾自戲言遣錢勿受二人共諱舉國耆  
老馳往諫止耆老斷當地價已決不應得悔  
國正清平祇不違法即聽布錢門裏不用祇  
意喜曰吾得園矣遣人催駕運致填路須達  
自往共詣園觀所思未周意憤不樂紙曰國

賢若悔便止各曰不悔思得伏藏畢地直耳  
祇心唯佛必是至尊能使斯人竭財不恨可  
戴可仰神妙如茲便謂須達勿復足錢餘地  
賀樹共作精舍須達即言善哉許諾便興功  
夫僧房坐具床檯茵蓐極世之妙迦施幢幡  
香汁灑地備辦供具兼諸重饌燒衆名香遙  
跪請佛唯願如來枉屈尊神  
於是衆祐與大比丘僧千二百五十人俱遊  
於舍衛國應須達請威神震動國內咸喜男  
女大小填路而出給孤獨氏及王弟祇陀前  
禮佛足共上精舍佛受咒願故曰祇樹給孤  
獨園王國有事急召須達赴行應會事訖馳



還奉齋。盡恭却從步。涉中路。有人奉酪一瓶。願無所使。自提而行。前途梵志請令提之。共詣精舍。手自斟酌。願命梵志汝便斟酌飯訖。行澡儼然聽法。一切歡喜。稱善無量。

梵志暮還奉齋。不食。婦恠而問。不審何恨。答曰。不恚吾齋。故耳。婦重質之。何從齋來。梵志答曰。給孤獨氏於園飯佛。請吾往齋。齋名八關。其婦流淚恠然言曰。君毀遣則禍此興矣。瞿曇亂法矣。足採納。迫蹶不已。便共俱飯。梵志壽筭終於夜半。生於鬱多羅衛國。作大澤樹神。時有婆羅門等五百人。欲詣恒水三祠神池沐浴。垢穢希望神仙。中道長鞭遙望彼。

樹想有流泉馳趣樹下。了無所見。窮困斯澤。飢渴委厄。樹神人現。問梵志曰。道士那來。今若欲行。同聲答曰。欲詣神池。澡浴望仙。今日飢渴。幸哀矜濟。樹神即舉手。象味流溢。衆飯飽足。詣神請曰。何等功德。致此巍巍。神答梵志。吾因舍衛給孤獨氏。持八關齋。為婦所敗。本卒其業。來生斯澤。作此樹神。若法齋法。福應生天。尔時樹神而作頌曰。

容十

祠祀種禍根。日夜長枝條。唐若敗身本。

法齋度世仙。

梵志聞偈。迷解信受。旋還舍衛。路由一國。名拘藍尼國。有長者字瞿師羅。晉音美音人民敬愛。



言輒順承梵志過宿羨音問曰道士何來今  
欲所之具陳彼澤樹神功德欲詣舍衛造給  
孤氏食採法齋冀遂本志美音喜踊宿行所  
追且解欲行宜令宗室及所親愛誰能共行  
受齋措式合五百人僉然應命本願相引咸  
義嚴出行詣舍衛未至祇桓道逢須達遇而  
六識願問從者此何大夫對曰給孤獨氏也  
梵志衆等喜而追曰吾願成矣求人得人馳  
趣相見同聲歎曰久承令德注仰虛心聞有  
道訓八關齋法故遠投託幸蒙示導止車答  
曰吾有大師号曰如來衆祐度人近在祇桓  
可共俱進造觀世尊聞命敬諾恭肅盡虔遙

瞻如來情喜內發五體投地退坐一面緣察  
本心旨說法要五百梵志得阿那舍便作沙  
門美音宗等逮得法眼

諸比丘白佛五百梵志及諸長者得道何速  
世尊告曰過去久遠時世有佛号名迦葉為

象講法說吾當來令諸梵志於彼佛前願樂

容十

欲見當來釋迦文佛是諸長者亦同斯願從

五

是因緣見吾便解比丘歡喜盡受奉行美音  
心惟欲請世尊佛知其意而告之曰彼無精  
舍汝願不遂美音悅解喜前白佛我有別宅  
願為精舍惟哀垂救濟度群生乞退還國修  
備所供願面接足禮畢乃去



本起該容品第八

介時如來與大比丘僧千二百五十人俱從  
舍衛祇桓遊於拘藍尼國美音精舍足蹈門  
闍天地震動珠璣樂器不鼓自鳴盡毒隱伏  
吉瑞和清當今日也境界人民靡不驚肅渴  
仰世尊

是時國王名曰優填強競侵剋開納佞言耽  
荒女樂疑網自沉又置大夫人二人左右幡  
上二后容咨一國少雙左夫人少字照堂為  
人憍傲唯惡是從諛嫉賢良譖人無狀右夫  
人字該容執行仁愛虔敬肅恭清素約已文  
不加身王珍其操每事私焉照堂懷嫉譖之

至深察言觀行不納其言該容有長老青衣  
名曰度勝恒行市香因歸問訊路由精舍每  
過修敬減省香直合集寄聚便行飯佛及比  
丘僧佛為說法盡心不忘施訖還宮過肆取  
香因此功德本行所追香氣勳聞介兩倍常  
詰問理窮任實首情每減香錢飯佛及僧法  
深義妙非世所聞該容聞說佛聲悚然心歡  
即自念曰吾心喜踊何因得聞無量法乎即  
報度勝為我說之度勝白曰身賤口穢不敢  
便宜如來尊言乞行詣佛受勅而還便遣出  
宮重告之曰具受儀式度勝未還夫人侍女  
側息中庭佛告度勝汝還說法多有度者說



法之儀先施高座度勝受勅具宜聖旨該容  
欣悅開筭出衣積為高座乘佛威神如應說  
法夫人該容及諸侍女疑解破惡得道滿港  
度勝應時逮得摠持

照堂恊恨妬憤內發數譖非一王反辱曰汝  
輩媛盡言及不遜被人操行執節可貴照堂  
心忌猶欲害之密白王曰恒遣青衣往來佛  
所情蕩外交志溢邪趣妄實循良中直見忽  
數譖不已王頗惑之照堂心謀伺于齋日中  
之必矣伺其齋時因歡白王今日之樂宜請  
右夫人王便普召被命皆會該容持齋獨不  
應命返覆三召執節不移王怒隆盛遣人搜

出縛置殿前將欲射殺該容不怖一心歸佛  
王自射之箭還向已後箭輒還王時大懼惶  
怖解弓而問之曰汝有何術乃致是耶夫人  
對曰唯事如來歸命三尊朝奉佛齋過中不  
食加行八事節不近身必是世尊哀愍若茲  
王曰善哉豈可言也容十豈詣精舍觀現表度會  
有敵國興兵入界彼衆強盛王自出征願命  
梵志名曰吉星權領國政照堂喜曰吾父領  
政教子必矣王去之後女與父謀燒殺該容  
及諸侍女詐言失火謂可掩塞事會發露王  
大恚之斥徙吉星捐於界外以其道士故全  
其命照堂等輩幽之地窟推逐邪道廣闡佛



法諸比丘退席白佛言王后該容及其侍女  
精進乃尔見諦得道不審何罪遇此火害唯  
願世尊彰告未聞佛告比丘過去有城名波  
羅奈有姪女五百人延致輕薄以自供濟世  
有辟支佛名曰迦羅教化人民令持五戒舉  
國士女歸心師焉諸女恚曰此人奚來新吾  
賓客咸共興恚謀圖毀害後日迦羅入城分  
衛巷至乞食次到女家衆女群出火撲迦羅  
於是迦羅舉身焦爛心無所恨便現神足飛  
昇虛空衆女驚怖泣淚悔過長跪舉頭自陳  
情曰女子蠢蠢不識至真群愚荒傲毀辱神  
靈自惟遇豐其罪若山願降神德以消重殃

尋聲即下而般泥洹諸女起塔供養舍利。  
世尊又曰。時彼姪女。該容等。是也。罪福。追人  
久無不彰。說是法時。國內大小。信伏歡喜。咸  
歸三尊。受誡而退。佛與比丘。還到舍衛。止頓  
祇洹。

瞿曇彌來作比丘尼品第九

第十

爾時佛遊於迦維羅衛國釋氏精舍。與大比  
丘僧千二百五十人俱。是時大愛道瞿曇彌  
行到佛所。稽首作禮。却住一面。叉手白佛言。  
我聞女人精進。可得沙門四道。願得受佛法  
律。我以居家有信。欲出家為道。佛言。且止。瞿  
曇。跡無樂以女人入我法律。服法衣者。當盡



壽清淨究暢梵行瞿曇則復求哀如是至  
三佛不肯聽便前作禮遠佛而去其後不久  
佛時與諸大比丘俱從釋氏精舍入迦維羅  
衛國大愛道聞佛從諸弟子來入國中心大  
歡喜即行到佛所稽首佛足下大愛道復白  
佛言我聞女人精進可得沙門四道願得受  
佛法律我以居家有信欲出家為道佛言且  
止瞿曇無樂以女人入我法律服法衣者  
當盡壽清淨究暢梵行大愛道則復求哀如  
是至三佛不肯聽便前作禮遠佛而去佛時  
與諸比丘留止是國避雨三月補成衣已著  
衣持鉢出國而去大愛道即與諸老母等俱

行追佛佛行轉到那私縣頌止河上大愛道  
便前稽首作禮却住白佛言我聞女人精進  
可得沙門四道願得受佛法律我以居家有  
信欲出家為道佛言止止瞿曇無樂以女  
人入我法律服法衣者當盡壽清淨究暢梵  
行空十大愛道則復求哀如是至三佛不肯聽便  
前作禮還佛而退住於門外被弊敗之衣徒  
跣而立顏面垢穢衣服汙塵身體疲勞噓啼  
悲啼賢者阿難見母人大愛道如是即問言  
瞿曇弥何因弊衣徒跣面垢衣塵疲勞悲啼  
大愛道答言賢者阿難今我用女人故不得  
受佛法律是以自悲傷身阿難言止止瞿曇



弥且自寬意待我今入向佛說是事賢者阿  
難即入稽首佛足下長跪白佛言我從佛聞  
女人精進可得沙門四道今大愛道以至心  
欲受法律其已居家有信欲出家為道願佛  
許之

佛言止止阿難無樂使女人入我法律為沙  
門也所以者何阿難譬如族姓之家生子多  
女少男當知是家以為衰弱不得大強盛也  
今使女人入我法律者必令佛清淨梵行不  
得久住譬如稻田禾稼粗熟而有惡露災氣  
則令善穀傷敗今使女人入我法律者必令  
佛清淨大道不得久興盛阿難復言今大愛

道多有善意佛初生時乃自育養至于長大  
佛言有是阿難大愛道信多善意於我有恩  
我生七日而母終亡大愛道自育養我至于  
長大今我於天下為佛亦多有恩德於大愛  
道大愛道但由我故得來自歸佛自歸法自  
歸比丘僧又信佛信法信比丘僧不復疑若  
不復疑習不復疑盡不復疑道乃成其信成  
其禁戒成其多聞成其多施成其智慧亦能  
自禁制不殺生不盜竊不婬泆不妄語不飲  
酒如是阿難正使人終身相給施衣被飲食  
卧具病困醫藥不及我此恩德也  
佛告阿難假使女人欲作沙門者有八敬之



法不得踰越當以盡壽學而行之譬如防水  
善治提塘勿漏而已其能如是可入戒律戒  
何謂八敬之法一者比丘持大戒女人比丘  
尼當從受正法二者比丘僧持大戒半日已  
上比丘尼當禮事之三者比丘僧比丘尼不  
得相與並居同止四者三月止一處自相檢  
校所聞所見當自省察之五者比丘尼不得  
訟問比丘僧事以所聞見若比丘僧有所聞  
見訟問比丘尼比丘尼即當自省察六者比  
丘尼有庶幾於道法得問比丘僧經律之事  
七者比丘尼自未得道若持戒律當半月詣  
衆中首過自悔以棄憍慢之態八者比丘尼

雖百歲持大戒當處新受大戒幼小比丘僧  
下坐以謙敬為作禮是為人敬之法我教女  
人不得踰越當以盡授學而行之假令大愛  
道審能持此八敬法者聽為沙門賢者阿難  
受佛語已熟諦便作禮而出報大愛道言瞿  
曇弥可勿復愁以得捨家之信去家就戒

卷二十一

十一

佛說女人作沙門者有八敬之法不得踰越  
但當終身勤意學行之耳持心當如防水善  
治提塘勿漏而已阿難便一一為母說佛所  
教勅八敬之事言能如是者可入佛法律大  
愛道即歡喜而言唯諾阿難聽我一言譬如  
四姓家女沐浴塗香衣莊嚴事而人復欲利



益之安隱不怖以好華香珍寶結為步搖持  
與其女豈不愛樂頭首受之今佛所教勅八  
敬法者我亦歡心願以首頂受之今時大愛  
道便受大戒為比丘尼奉行法律遂得應真  
然後異時大愛道比丘尼與諸長老比丘尼  
俱行詣賢者阿難而問言阿難是諸長老比  
丘尼皆久修梵行且已見諦云何當使為新  
受大戒幼小比丘僧作禮阿難言小且待我  
今入問之阿難即入稽首佛足下白佛言大  
愛道比丘尼言是諸長老比丘尼皆久修梵  
行且已見諦云何當使為新受大戒幼小比  
丘僧作禮

佛言止止。阿難當慎此言，勿得說也。但汝所知不如我知。若使女人不於我道作沙門者，外道諸異學、梵志及諸居士皆當以衣被布。地求哀於諸沙門，言賢者有淨戒高行，願行此衣上，令我長得其福。佛言：阿難，若使女人不於我道作沙門者，天下人民皆當解髮布。容十地求哀於諸沙門，言賢者有戒聞、惠行、願行。此髮上令我長得其福。若使女人不於我道作沙門者，天下人民皆當豫具衣被、飯食、卧床、病瘦醫藥，願諸沙門當自來取之。若使女人不於我道作沙門者，天下人民奉事沙門，當如事日月，如事天神，過踰於諸外道異學。



者止若使女人不於我道作沙門者佛之正  
法當千歲興盛佛後語阿難以女人作沙門  
故使我法五百歲衰微所以者何阿難女人  
有五處不能得作何謂為五女人不得作如  
來至真等正覺女人不得作轉輪聖王女人  
不得作第二忉利天帝釋女人不得作第六  
魔天王女人不得作第七梵天王夫此五處  
者皆丈夫得為之丈夫得於天下作佛得作  
轉輪聖王得作天帝釋得作魔天王得作梵  
天王佛說是已皆歡喜奉行

無常品第十

是時如來還舍衛國在祇樹給孤獨園與大

比丘僧千二百五十人俱王波斯匿心自念  
言佛是釋種出家處山以成無上正真等正  
覺威影神妙天龍鬼神無不宗仰為人說法  
上中下言悉善其聞所說莫不歡喜開福塞  
禍言入泥洹即便嚴出導從如常至門下車  
群臣俱前直揖却坐而白佛言頃承釋子端  
容十坐六年道成号佛為實尔不是世所美乎佛  
十三語王曰吾真是佛世不虛傳王復言曰瞿曇  
自稱為佛故非佛也佛復答王過去久遠時  
世有佛名曰定光授拜吾泆汝於來世九十  
一劫當得作佛字釋迦文有三十二相八十  
種好十八特妙之法十種神力四無所畏一



事不足不名為佛吾今具有是故為如來無  
所著正真覺也王迷情疑重質言曰瞿曇年  
少學日甚淺所以者何世有婆羅門修治水  
火精勤苦體不去晝夜九十六術靡不經涉  
年高德遠不蘭迦葉六人子等名稱蓋世猶  
未得佛佛者實尊以是推之遲疑不信佛告  
王曰吾今為王說法真諦善聽勿疑王曰善  
哉佛答王曰小有四事皆不可輕何謂為四  
一者太子雖小當為正君此不可輕二者小  
火燒草草盡乃止此不可輕三者龍子雖小  
能為風雨雷電霹靂此不可輕四者年少比  
丘已入道要深妙之慧能飛行教化度脫人

民此不可輕於是世尊為王而作頌曰  
太子福成當為正君 愚人輕慢禍豐是生  
正由心出能重能輕 宿行所得福自隨形  
能觀本德然後觀人 道要已備大王思惟  
小火得草所燒無限 須弥寶山亦從小起  
智者觀物無小無大 遇龍不避小毒害人  
容十 比丘破惡精進入禪 道成神通變化度人  
見諦淨無垢已度五道淵 佛出照世間  
為象除憂患

王聞正言垢重情弊惟疑未悟前禮佛足辭  
退還宮

是時國內有婆羅門居富多寶老無兒子禱



祠盡力末後生男其年七歲得病便亡其父  
憂毒卧不安席不復飲食聞佛能除憂患即  
詣祇桓佛問梵志有何愁憤顏色憔悴婆羅  
門言我年老耄正有一子捨我終亡悲憐痛  
毒佛告梵志人有恩愛便生憂悲梵志情迷  
便白佛言恩愛之樂有何憂悲佛言不然如  
是至三婆羅門不解走出祇桓見二人擗蒲  
心自念言此必智者能解我疑便問二人恩  
愛為樂為憂悲乎即答梵志天下之樂無過  
恩愛梵志復言吾見瞿曇向我說此二人答  
曰沙門瞿曇反世惑人慎無信焉國內愚者  
其嗤佛語乃上聞於王令王意惑便謂夫人

夫人字未利便告之曰瞿曇可笑及論失理  
何有恩愛而生憂悲夫人對曰佛不虛言其  
實如此王復謂言汝尊瞿曇如是宗親其信  
而已夫人白王何不自往若遣智者請啓所  
聞驗世狂惑王聞其言即召智臣那利繩汝  
持吾聲問訊瞿曇世人愚惑妄傳尊旨橫言  
容十恩愛而生憂悲恠其理乖是故遣信下承風  
十五化若佛有教汝諦受之臣受王命即詣祇洹  
禮佛却住斯須進前長跪白佛言國主波斯  
匿稽首座前問所不解願佛示導敢告真言  
於時如來命臣就座而告之白恩愛之本深  
流難盡憂悲之惱一由恩愛又告大臣吾今



問卿意解便對譬如有入父母終亡妻子死  
盡財沒縣官此人憂惱可堪勝不大臣對曰  
審如尊教又告大臣古昔有人居貧窮困而  
其娶婦得富家女嬾墮無計日更貧乏家困  
餉饋欲奪更嫁妻聞家議便以語夫我家勢  
強必當奪卿當作何計夫聞婦言將共入房  
今欲與汝共死一處即便刺婦還獲自刺佛  
告那利繩恩愛相殺何但憂悲臣受佛教禮  
退還宮具宜尊旨王意不悟猶蚩此言獲謂  
末利瞿曇何故正作此語夫人白王欲啓一  
事願見採省王曰便說夫人問曰彼方二郡  
一名迦夷二名拘達盧若有白王云彼二國

他王劫取王當云何王謂夫人吾之豐樂因  
此二國若有此問情用憂憤夫人復言太子  
琉璃皇女金剛若疾若亡王當云何王答夫  
人此情難堪夫人問王此為恩愛生憂悲不  
夫人白王賤妾鄙陋得侍幃幄一旦病亡王  
當云何王答末利吾情迷荒命將不全夫人  
復言此為恩愛生憂苦不王意乃解即便下  
床遙禮祇洎歸命三尊懺悔謝過盡形竟壽  
首戴尊教

容十

十六

自愛品第十一

佛在舍衛國祇樹給孤觸園象僧具足而為  
說法國王波斯匿以日昧時道過佛所下車



却蓋拱袖直前稽首于地。却就王位。佛問王  
言從何所來。衣弊形瘦。乎王即離席流淚對  
曰。國太夫人背棄天下侍送靈柩。安居始還。  
迫系世尊。願臨鄙國。雖以哀悴。貪得表見性。  
煩嬰豐情感邪聲。今始乃解。明教至真。憂悲  
苦惱皆由。恩愛每信。道訓世所希聞。

於時世尊而告王曰。復坐善聽。王言唯諾。佛  
言衆生受形。無老無壯。無豪無賤。命終之日  
無不散散。譬如春華。色無久鮮。結實華落。菓  
熟薤本。須弥寶山。劫盡爛壞。大海深廣。猶有  
枯竭。人命危脆。智者不怙。唯有修德。精進履  
道。佛作頌曰。

命如菓待熟 常恐命零落 以生皆有苦  
誰能致不死 如河駛流疾 往而投大海  
人命亦如是 逝者不復遊

世尊又告遮迦越羅典領四城飛行案行七  
寶尊從雖壽千年亦死過去 諸天食福餽饌

自然至其祿盡亦俱磨滅比丘破惡一心思

容十

禪榮利不移志重苦山神通真人猶復滅度

十七

如來出世權慧現身金剛德體明暉大千周  
匝三界濟度群生十力世雄猶現泥洹人生

世間命不久停忽若電流如風過庭尊榮寶  
位其若夢矣推古驗今無始不終轉輪五道  
見諦反真佛為國王而作頌曰



如河駛流 往而不反、人命如是 逝者不還  
雖壽千年 亦死過去 合會有離 無親可恃  
世皆有死 三界無安 諸天雖樂 福盡亦喪  
志堅若地 德重若山 真人無垢 寂然歸滅  
快哉福報 所願皆成 上寂大人 自現泥洹  
於是波斯匿復白佛言 何謂自愛 何謂自護  
佛言 善哉問也 大王 諦受 人生於世 四大合  
成 性愚習癡 殺盜媼欺 不信道行 此不自愛  
習善行仁 覺世非常 信死更生 情存三尊 奉  
戒攝心 信以篤道 守禮以謙 孝訓以誠 此人  
處世自愛 者也 積善履德 身無狂橫 志行修  
明 上天衛護 無男無女 衆行歸身 若入軍旅

兵刃不傷虎兕無害自護之方唯特成行佛  
為波斯匿而作頌曰

凡人為惡不能自覺 愚癡快意 後受熱毒

生無善行 死墮惡道 往疾無間 到無資用

自愛身者 慎護所守 調心正體 福應上天

士有信行容十 為聖所譽 自愛如是 快解無憂

惡行危身 愚謂為易 善最安身 愚人謂難十八

信法奉戒 慧意能行 上天衛之 智者樂慈

仁愛不邪 安止無憂 能除恚怒 從是脫淵

王聞法言 愚解妄斷 前受五戒 群臣從官

皆發道心 天龍鬼神 歡喜樂聞

大迦葉始來學品第十二



尔時世尊在舍衛國祇樹給孤獨園為衆說  
法天龍鬼神四輩弟子嚴整具足於時摩訶  
迦葉垂髮弊衣而來詣佛世尊遙見歎言善  
來迦葉緣分半牀命令就坐迦葉進前頭面  
作禮退跪自陳曰余是如來末行弟子願命  
分座不敢承旨大衆僉念此老道士有何異  
德乃令世尊分座命之此人俊又唯佛朋焉  
於是如來察衆所念欲決所疑廣論迦葉大  
行齊聖世尊又曰吾以四禪禪定息心從始  
至終無有損耗迦葉比丘亦有四禪因得定  
意吾以大慈仁愛一切迦葉體性亦慈如此  
吾以大悲濟度衆生迦葉比丘大悲如此吾

以四禪三昧而自娛樂無有晝夜何等為四  
一者無形三昧二者無量意三昧三者清淨  
積三昧四者不退轉三昧迦葉比丘亦有是  
三昧吾本樂六通今已得六通迦葉比丘亦  
得六通何等為六一者四神足念二者悉知  
一切人意三者耳徹聽四者見衆生本五者  
容十知衆生所趣行六者諸漏皆盡今已無畏三  
界獨尊吾以四定表彰法御何等為四一者  
解定二者智定三者慧定四者戒定名色皆  
滅梵迹獨存無憂喜想生死根斷迦葉比丘  
亦復如是世尊又曰過去久遠時有聖王名  
交陀竭高行暉世功勳咸勤切利天帝欽其



異德即遣車馬詣闕迎王時乘天車忽然昇  
虛天帝出迎與王共坐娛樂盡歡送王還宮  
佛告比丘。爾時天帝者大迦葉。是文陀竭王  
則是吾身。往昔天帝以生死畏座。令吾並坐  
吾今以無上正真法。御之座。報昔功德。佛說  
本昔加以聖德。顯比丘迦葉。一切解脫。皆發  
無上正真道意。法教名遠。莫不樂受。

度柰女品第十三

佛從迦維羅衛國與千二百五十比丘俱過  
拔耆國界。度人民去。至維耶離。詣柰氏樹園  
城中有女名阿凡和利。聞佛來化。歡喜無量  
即便嚴出。與五百女人俱。佛勅諸比丘。端意

佞目勿妄願視色欲亂人唯道能制御情檢  
心智者必能今有女人名阿凡和利與五百  
女人俱欲聽說經法汝曹各護淨行持之勿  
放諸比丘唯諾受教阿凡和利詣門下車叉  
手當心佞頭直前頭面禮佛却就女位世尊  
告曰容十形不久住色不久鮮命如風過少壯必  
衰勿恃容姿自處汙行世間迷惑禍起大色欲  
三塗勤苦智者能閉女聞佛言心解欲止便  
發道意自歸三尊於時阿凡和利退坐白佛  
不以女賤得服法言願樂如來明日枉尊及  
比丘僧願不薄食佛時默然以為許可起以  
頭面作禮歡喜而去是時城中有長者子五



百同輩間。佛垂訓止住柰園。即皆俱行詣佛。聽法車馬服飾五色輝煌。出城詣園。人從車馬寂然如法詣門下車。叉手直進禮拜陳情。却坐男位。佛告族姓子。榮位尊豪快樂如意。皆是前世福德所致。今復見佛功德增益。諸長者子歡喜退坐。長跪請佛。明日屈尊哀臨。蔬食佛便告曰。已先受請。佛不二諾。諸長者子復白佛言。不審請主姓字。是誰佛言。向受阿凡和利。請明日當往長者子白佛。此是國民。豈得在先。佛告族姓子。如來慈普不問尊卑。諸長者子前禮佛足。辭退還家。過與阿凡和利。語曰。佛者至尊。用一切故。來化吾國。飯

佛及僧吾等應先男尊女卑卿當在後慎勿  
供辦故來相語女曰長者子無以豪強威力  
加弱今乞四事若見惠者不敢在先何謂為  
四事一者乞令我心保善莫移二者乞令我  
命保在莫之三者乞令財物保在無減四者  
乞令世尊常住教授莫詣餘國即謂女曰善  
容十心叵保命亦如是非吾能辦便相謂言此女  
福人先得飯佛乃覺非常甚可喜樂中有年  
少耻其出後當共固之便勅市監罪不作市  
阿凡和利遣婢市買了無所得還視庫藏象  
膳備有唯乏薪炭行求不得出庫疊布香油  
灌之以供飯具明日午時遣使白佛城門復



閉使還白言城門不開知是諸長者子所作  
女自念言法應遣使表白供辦云何得通便  
告鸚鵡汝行白佛鸚鵡受勅飛出其家諸長  
者子舉弓射之奉使請佛威神所接箭化作  
華便詣佛所飛鳴白言衆嚴早辦唯願枉尊  
於時衆祐法導威儀足蹈門闢天地震動龍  
雨奄塵天樂下從諸音樂器自然而鳴佛坐  
飯竟行澡與畢為說經法五百長者子阿凡  
和利及五百女人逮得法眼皆受五戒已佛  
與比丘僧還詣柰氏樹園一切歡喜無不樂

聞

尼捷問疑品第十四

佛從維耶難與千二百五十比丘僧及千優  
婆塞俱詣那難陀國波和羅園是時園內奉  
事六師迷於邪行城中有豪長者字阿夷拔  
提弗奉事尼捷精勤第一聞佛來願往尼捷  
所禮拜如常尼捷問曰卿聞瞿曇來至此不  
對曰已聞尼捷語曰汝往難沙門瞿曇一事  
當令如噎容十拔提弗言何謂一事乃令其二不對乎  
答曰汝難瞿曇吾聞沙門呪願一切普得飽  
滿猥將群衆來適飢國費損人食此大無益  
拔提弗受命而退即詣佛所瞻覩神德威相  
赫然弟子法儀恂恂庠庠敬心踊躍拱袖進  
前直揖却坐而白佛言欲請一事願蒙授解



佛言。恣所欲問。拔提弗言。伏聞瞿曇。饒益一切。令得安隱。而將大衆。願臨飢國。減損民食。費而無益。

佛告阿夷拔提弗言。吾從九十一劫已來。不聞勸人為福。損而無益也。吾聞尊貴富樂大起布施。未有唐捐費而不報者也。人行仁義。現世稱傳。後得生天。勸善代喜。福祐隨身。又告長者。財有八危。損而無益。何謂為八。一者為官所沒。二者盜賊劫奪。三者火起不覺。四者水所沒溺。五者怨家債主。橫見奪取。六者田農不修。七者賈作不知便利。八者惡子。博掩用度。無道如是。八事至危。難保。八禍。堂至。

非力所制。是故如來以此因緣勸人布施。安  
置福田。深堅難動。水火盜賊不復得害。壽終  
生天。衣食自然。

佛告長者。真言至要。化世愚惑。若不信者。自  
毀人本。墜墮三塗。若能覺識。改聞易行。遷神

無為所向。分明阿夷拔提。弗聞佛說法。情喜

容十

十

十三

內定。退坐。自陳愚癡。積惑未識。真言所質。非

法實非。鄙意尼捷。所遣奉使。不遜願佛垂恩。

原恕罪咎。佛言汝能自覺。此福無量。長者歡

喜。復白佛。言情闇難悟。欲問所疑。

佛言。隨意所問。今當為汝。事事分別。長者問

曰。伏聞如來慈等普救。不審法教。倫數不等。



有得道者。不得道者。抱疑日久。願尊開眼。  
佛言善哉。問也。諦聽。諦受。譬如農夫。宿有二  
業。一田業高燥肥浚。二田業下濕瘠薄。於春  
和時。等力興功。下種。應時耘除草穢。至秋獲  
實。升斛懸殊。佛告長者。人功不偏。所收不等  
者。地厚薄故也。人聞吾法。信受奉行。如意所  
得。喻於浚田。所收無數。今比丘比丘。尼優婆  
塞。優婆夷者。是也。隨意深淺。神通無礙。人聞  
道言。背而不信。喻如下田。沒溺不生。今六師  
尼捷等。是也。世尊又曰。譬如有人持器取水。  
一器完堅。二者穿壞。若用受水。完者恒滿。穿  
者漏盡。人聞道教。精進修勤。奉戒不違。嚴勅

身口喻如完器所受無限人聞道法不受不  
信加行謗毀忘失人本還入惡道喻於穿器  
無所盛受

佛言長者宿命善行乃得見佛雖復尊豪然  
不信道者譬如狂華落不成實拔提佛心喜  
稱善真言感神所說至誠便發無上正真道  
容十意受戒而退國內一切皆發道心  
一切皆毀廢天人龍鬼宜明法聲  
佛食馬麥品第十五

於時佛從彼和羅園與千二百五十比丘俱  
還祇樹給孤獨園是日舍衛國界有郡名隨  
蘭然有婆羅門名阿耆達多智明慧居富貴



比往詣阿難。邠扞家論議事。訖問須達曰。今  
此都下頗有神人可師宗者。不須達答曰。子  
不聞乎。釋迦王子出家為道。道成号佛。身色  
相好。非世所見。法式雅正。照除心垢。神通明  
達。知衆生原。諸天龍神莫不奉受。每說法言  
精議入神。非吾焚燭所能宣陳。時阿耆達聞  
佛聖德。五情內慘。即便問曰。今為所在可得  
見。不答曰。近在祇樹。廣開真言。明日阿耆達  
往詣祇桓。入門見佛威神光明。敬心內存。前  
禮佛足。却坐一面。佛為說法。歡喜踊躍。即便  
退席。請佛及僧。垂化照臨。一時三月。佛以神  
力。知往石因緣。點然受請。阿耆達得佛許。及

辭退還國

於是阿耆達還家嚴供極世珍美是日世尊  
與五百比丘僧往詣隨蘭然時阿耆達天魔  
迷惑耽荒五欲一者寶飾二者女樂三者衣  
食四者榮利五者色欲退入後堂告勅門士  
不得通容容十一時三月不問尊卑須吾有教如  
來到門閉而不通便止舍邊大叢樹下十五佛告  
比丘僧此郡既飢人不好道各且自便隨利  
分衛舍利弗受勅上昇忉利天日食自然象  
僧分衛三日空還時有馬師門於阿難朝行  
分衛何以空還阿難答曰此國飢荒又不信  
福馬師而曰今有馬麥願用施佛及象弟子



減麥飯佛。及比丘僧阿難得其麥分以鉢受之。心用悲痛。諸天名味國王供饌。每謂其味不可尊口。今得此麥。甚為麁惡。何忍持此供養佛乎。持所得麥告一老母。佛者至尊法御上聖。今欲飯佛。倩母熟之。功德無量。母答阿難。吾今忿務不能得為比丘。一每聞歎佛尊馳出求索。阿難授之。即持令熟。佛食。呪願阿難。心結佛欲解。阿難意餘飯施與阿難。百味香美。非世所有。阿難意解。曰。如來妙德不可思議。

是時世尊欲詣拔耆國。先使阿難往告阿耆達。阿難受勅。即便往告阿耆達。見阿難意猶

未悟即問阿難如來今為所在阿難報曰世  
尊在此今來三月前受鄉請尊無二言一時  
已竟告別當去阿耨達聞佛變化不及供養  
悲怖交至即馳詣佛頭面作禮而自陳言愚  
癡罪覆違失言信願佛慈恕原其重殃

佛告梵志明汝至心阿耨達歡喜前白佛言

願留七日得叙供養佛以歲至即復可之時

容十

一七七

日舍利弗從天來下歲節已過當詣拔耆國  
阿耨達取供養餘具遍散道中欲令佛踏上  
而過佛告梵志飯具米糧是應食噉不宜足  
踏佛受其施便為呪願而作頌曰

外道所修事 精勤火為最 學問目見明



衆義通為最 人所歸仰 遮迦越為最  
江河泉源流 大海深為最 衆星列空中  
日月明為最 佛出於世間 受施為上最  
阿耨達心悅結解逮得法眼國人大小皆發  
道心前禮佛足歡喜而去

於時阿難承佛威神知諸比丘心中大疑因  
宜白佛如來神妙三達廣照知衆生念因緣  
所起不審何故食麥一時願佛開化散解衆  
疑

佛告諸比丘過去久遠時有大國名曰槃頭  
越時王字曰頻頭王有太子名曰維衛出家  
學道道成為佛猶名維衛相好威德諸佛法

一所從比丘六萬二千。人俱時。父至飯佛。及  
比丘僧嚴飾幢幡。極世之珍。城內整頓煒燁。  
煌煌。時有梵志清潔。德高從諸弟子。因事入  
城。顧問衆人。有何異節光飾。乃尔行人。答曰。  
頻頭王子得道。号佛王。今供養道士。答曰。世  
人甚迷。捐棄甘饍。食此人為如卿所說人者。  
應食馬麦五百。弟子同聲讚善。中有一人而  
諫師曰。若如彼言。此人德尊。應食天厨。  
佛告諸比丘。尔時高行梵志。則吾身是五百  
弟子。今汝曹是時諫師者。舍利弗。是吾種。此  
灾於今始畢。告諸比丘。各護心口。慎無放逸。  
善惡隨人。久而不捨。宜修明行。可從得道。吾



所償對於此久矣諸比丘聞經歡喜受戴奉

行

中本起經卷下

容十

逡巡上七反膳時扇反踟躕上音池下企丘義反暇

騷音蕪反臨下音翔音祥質莫候反饌床戀反

饋戶交反斟酌上音針迫蹶上音六反伯下希望下音

亘解上胡古鄧反搯上音買反該容上音犬反闍本若

珠璣下居反盪毒上音古強下音今赤戲字諛

嫉上助反諧子禁反探探上七到反詰問上起反連庭

二同正相寺笥下音溝港上音恹惶上音恨上音妬憤上音

房粉反下遜蕪困反搜羊列反懷惶去上其反掩塞下桑反

作徒上音思尺下幽之依舟反闡昌演反火撲下音木善反

上

上





山城國綴喜郡新村  
靈瑞山酌恩庵沙門宗桂書寫之

